


— 343 —

SONNEN

Glahar Marion ⁽¹⁾


Un dé ma oen ar er va - lé tos - tik tra de Hué-
 ned tos - tik tra de Hué ned Me gavas er - - geh Ma ri-
 on ér park get hé loñ ned

I

Un dé, el ma oen ar valé tostik tra de Huened,
 Me gavas er geh Marion ér park get hé loñned.

II

Er plah iouank, hé fen soublet, hemb arsaù e houilé.
 Allas ! é kours er iouankiz dareu e rid eùé.

III

Mé oeit ha goulennet geti : « Perak é houiles-té ? »
 — « Kanderù Julian, e laras hi : Na maleurus on-mé ! »

IV

— « Penaus é hous-té maleurus é kreiz te iouankiz ?
 Te dad, te vam e zou hoah biù, bara ne vank ket d'is. »

V

— « Cheleu, kanderù, me larou d'is er péh e hra poén d'ein,
 « Nitra ne glask me halon beur nameit hum ziskargein.

VI

Er mitin-men, pe oen saüet, me zad e laré d'ein :
 « Mal e vou d'is, me merh karet, mal e vou diméein.

VII

Ur pautr iouank ag er hornad en des te houlennet.
 Dimé dehon ; pinùik bras é, mes ivour un nebed.

VIII

— Me zad, em es mé reskondet, n'em bou ket un ivour,
 Rak ne gavein bamdé geton meit gloéz ha dizinour.

(1) Er sonnen-men e vé kannet ar don : É tan mé ag er hoed, men dous...

— 344 —

IX

Guel é genein ur pautrig peur en des konportemant
Aveit ur pautr iouank ivour en des ur ioh argand.

X

Un dén ivraign ne houi karein na moéz na bugalé,
Un dra hemb kin e houi gobér : krignat ol é zañné.

XI

Kaer em es bet laret dehon, me zad ne gleué ket,
Ha d'un ivour, peh ur glahar ! dimécin e vou ret. »

XII

Marion beur e huañnadé, e houilé muioh mui,
Ha mé beunek ne houien ket petra laret dehi.

STEVAN K.

Dihustelleu er Boulom Uisant

Reskond d'en dihusstelleu devéhan a *Zihunamb* :

I. Un dorn é kemér avaleu én ur bank. — II. En hani n'en des
chet hoah é bar. — III. Ur hoah-deur.

DIHUSTELLEU ARAL

I

D'en noz, gouli
Charnél d'en dè,
Petra on mé ?

II

M'em es ur hi
É pen me zi
Ne zant na ne harh ;
Mes ean grabis èl un targah.

III

Pegement e hra :
Naù bar
Naù iar ar bep bar
Ur hog get peb iar
Naù pousin get pep iar
Hag ur gran mel é beg pep pousin ?

(Er reskond d'en dihusstelleu-men e vou kavet é *Dihunamb*, ben
er huéh ketan).

ER BOULOM UISANT.